

萬有文庫

第二集七百種

王雲五主編

漢書補注

(九十)

王先謙補注

商務印書館發行

漢書補注

(九十)

王先謙補注

國學基本叢書

地理志第八上一

漢書二十八

漢 蘭 臺 令 史班 固 撰

唐正議大夫行祕書少監琅邪縣開國子顏師古 注
賜進士出身翰林院編修國子監祭酒加三級臣王先謙補注

昔在黃帝作舟車曰濟不通

〔補注〕先謙曰御覽舟部引世本共鼓貨狄作舟注云黃帝二臣釋名黃帝造車故號軒轅氏易繫辭舟楫之利以濟不通

旁行天下

師古

曰旁行謂四出而行之〔補注〕先謙曰廣雅釋詁旁廣也亦與方通用齊語以方行於天下章注方猶橫也廣橫一義

方制萬里畫歷分州

師古曰方制制爲方域也畫謂爲之界也歷古野字畫音獲〔補注〕王先

慎曰廣雅釋詁方始也言黃帝徧行天下始裁制萬里區別州野顏說誤先謙曰說文州疇也疇其土而生之釋名州注也郡國所注仰

得百里之國萬區

〔補注〕先謙曰御覽封建部引東觀漢記博士丁恭等議云古帝王

封諸侯不過百里故利以建侯取法於雷黃帝紀置左右大監監於萬國封禪書黃帝時萬諸侯

是故易稱先王曰建萬國親諸侯

師古曰易比卦象辭〔補注〕王念孫曰建上本無

以字此後人依易象傳加之也孟堅引易以證上文百里之國萬區加一以字則累於詞矣景祐本無以字

書云協和萬國

師古曰虞書堯典之辭也

此之謂也堯遭洪水

〔補注〕錢坫曰說文洪洚水也洚水不遵道也史記作鴻水字通

襄山襄陵

師古曰襄字與古懷字同懷包也襄駕也言水大汎溢包山而駕陵也〔補注〕錢坫曰襄古正字汪遠孫曰北宋本無古字二字

天下分

絕爲十一州。

師古曰九州之外有并州幽州營州故曰十二水中可居者曰州洪水汎大各就高陸人之所居凡十二處補注宋祁曰注文南本無九州以下十五字景本無注末凡十二處四字錢坫曰九州之名禹貢周官而下又有

爾雅冀州之外有幽州以青州爲營州無梁州郭璞以爲是殷制說苑以營州爲青州餘與爾雅同尙書十二州僞孔傳以爲禹治水之後舜分冀州爲幽州并州青州爲營州與此云云不合非也先謙曰谷永傳永奏云堯遭洪水之災天下分絕爲十二州堯典肇十有二州鄭注舜以青州越海而分齊爲營州冀州南北太遠分衛爲并州燕以北爲幽州新置三州并舊爲十二州說與此同時舜攝政堯尙在故此言堯也馬融以爲禹平水土置九州舜分爲十二州在九州後此古文異說非是王應麟通鑑地理通釋云舜典言肇十二州咨十二牧而後命禹平水土當以漢志爲正

使禹治之水土既平更制九州。

補注先謙曰陳祥道禮書云禮言共工霸九州黃帝書言地有九州則堯以前九州耳及水土既平禹

又卽舊域而辨之以爲九州故書言禹別九州傳言貢金九牧也

列五服。

師古曰其數在下也

任土作貢。

師古曰任其土地所有以定貢賦之差也補注錢坫曰貢其書篇名也先謙曰志明言任土作貢又據溝洫食貨

兩志貢皆作貢賦解錢說謬

曰禹敷土。

師古曰敷分也謂分別治之自此以下皆是夏書禹貢之文補注先謙曰敷夏紀作傳段玉裁成

古文作傳不必定作敷今文作敷不必定作傳班氏世傳夏侯尙書三家異字亦有與古文合者詳皮錫瑞今文尙書考證且漢書本多假借古字不得執一二異字以爲今古文尙書之證段云班用今文淺人改傳爲敷成云班用古文故作敷不作傳皆非也至班氏學宗今文兼采古文後書稱其學無常師顯然可證此志所用古文皆特著之下云古文以爲及桑欽所言是也餘稱禹貢皆是今文蓋地理之學或今文說解不全或後儒徵引較塙學問之塗日開擇善而從通人不廢以大體論後漢皆祖述今文其古文雖立學官尊信者少至鄭氏以大儒倡明古文舉世爭趨風會一變千載以下今文一線殆將廢絕就其時代推究義例猶存舊觀徒比附較論於文字異同轉失之矣

隨山槩木，奠高山大川。

師古曰槩古刊字也

奠定也。言禹隨行山之形狀而刊斫其木以爲表記。決水通道故高山大川各得安定也。〔補注〕錢坫曰奠祭也。先謙曰官本安定也作其安定。說文槩議也。引書隨山櫟木。夏紀作行山表木。用故訓代經也。紀奠作定。足徵錢說之非。

載。師古曰兩河閒曰冀州載始也。冀州堯所都故禹治水自冀州始也。〔補注〕汪遠孫曰禹貢釋文引韋昭曰載事也與鄭注尙書合。先謙曰呂覽有始篇兩河之閒爲冀州晉也。高誘注東至清河西至西河顏及張守節史正義並從載字斷句說者謂夏紀作

禹行自冀州始訓載爲始是今文說案史記始下仍有冀州既載句則上句史公敘述之詞不必執爲今文訓始之證。

壺口治梁及岐

師古曰壺口山在河東梁山在夏陽岐山在美陽即今之岐州岐山縣箭括嶺也禹循山

而西治衆水。〔補注〕先謙曰本志馮翊夏陽下云梁山在西北壺口岐山見下道山。既脩太原至于嶽陽。〔補注〕汪遠孫曰案說文嶽岳一字先謙曰晉陽今太原

府太原縣嶽即太嶽見道山。覃懷底績至于衡章。師古曰覃懷近河地名也底致也績功也衡章謂章水橫流而入河也言禹於覃懷致功以至衡章也底音之履反。〔補注〕錢坫曰章字同漳漳水過鄴縣以下稱

衡漳汪遠孫曰底當作底先謙曰夏紀底績作致功鄭注衡漳漳水橫流入河覃懷爲縣名屬河內索隱河內有懷縣今驗地無名覃者蓋覃懷二字當時共爲一地之名先謙案鄭讀衡爲橫用今文說馬融以衡漳爲二水名王肅從之此古文說上黨長子下云鹿谷

山濁漳水所出東至鄴入清漳沾下云大

陂谷清漳水所出東北至阜成入大河。

厥土惟白壤

師古曰柔土曰壤。〔補注〕錢坫曰釋名壤壤也肥濡意也依字厥應作昏經典通借厥先謙曰夏紀厥改其下並同土下無惟字

厥賦上上錯

師古曰賦者發歛土地所生之物以供天子也上上第一也錯雜也言賦第一又雜出諸品也。〔補注〕先謙曰夏紀無厥字

厥田中中

師古曰言其高下之形摠於九州之中爲第五也一曰爲

其肥瘠之等差也。它皆類此。〔補注〕皮錫瑞曰敘傳云坤作陸執高下九則劉德注九則九州土田上中下九等也班氏以高下九則屬陸執則顏前說爲正先謙曰夏紀無厥字。恒衛既從大陸既作。師古曰恒衛二

水名。恒水出恒山。衛水在靈壽。大陸澤名。在鉅鹿北。言恒衛之水各從故道。大陸之澤已可耕作也。〔補注〕先謙曰。夏紀作改爲常山上曲陽下云。恒水出。東入滹。靈壽下云。衛水出東北入滹池。大陸見道川。淮南陸形訓。晉之大陸。趙之鉅鹿。高注。大陸。魏獻子所游。焚焉而死者是也。鉅鹿。廣阿澤。禹貢大陸。卽趙之鉅鹿。鄭志答張逸云。鉅鹿。今廣河。〔阿之誤。〕澤與班高合。今文說也。惟周禮疏所引鄭注。用爾雅十藪。晉有大陸。以釋禹貢失之餘詳鉅鹿。鳥夷皮服。師古曰。此東北之夷。衣其皮也。一說。居在海曲。被服容止。皆象鳥也。〔補注〕先謙曰。大戴禮五帝紀。說苑並作鳥。裴駟史集解引鄭注云。東北之民。搏食鳥獸者也。此顏前說所本。鄭王本尙書作鳥。今古文同。唐石經誤鳥。後人遂併夏紀改之。夾右碣石入

于河。

師古曰。碣石。海邊山名也。言禹夾行此山之右而入于河。逆上也。〔補注〕先謙曰。夏紀河作海。徐廣云海一作河。河字是。碣石見下道山。

沛河惟兗州。

師古曰。沛本濟水之字。從水。沛聲。言此州東南據濟水西。

北距河。沛音姊。〔補注〕先謙曰。呂覽有始篇。河濟之間爲兗州。衛也。高注。河出其北。濟經其南。說文沛下云。沔也。從水。沛聲。濟下云。水出常山。房子贊皇山。東入沔。從水。齊聲。志文於房子之水作濟。餘皆作沛。與說文合。惟濟陰濟南濟陽之類作濟。以郡縣之名。世俗相沿。不能改而從古也。夏紀作濟。亦三家尙書之本有異。王應麟漢藝文志考證。以濟爲字誤。是也。成蓉鏡以濟沛爲今古文異。殆非。夏紀惟作維。而惟豫州。惟梁州。惟雍州。並作惟。本志通作惟。下文維溜亦作惟。而琅邪朱虛箕下維水作維。靈門折泉橫下維水作淮。初無一定。成據夏紀作維。謂惟古文維。今文引匡謬正俗云。古文尙書爲惟。今文尙書變維爲證。復據說文引夏書維溜其道。以維爲古文。又因夏紀作維。而以維爲今文。惟爲古文。展轉紛紜。徒形詞費。周禮古文之學。維字作維。毛詩維字。韓詩作惟。近人據此爲今古文之辨。要是偏端。無與大體也。下文道沔水及河東垣下自注。沔水所出。天文志。角亢氏。沔州。並作沔。知此沔字。後人妄改。夏紀亦作沔州。九河既道。師古曰。九河。河水分爲九。各從其道。爾雅曰。徒駭。太史馬頰。覆鬴。胡蘇。簡。絜。鉤般。鬲津。是曰九河。一說道讀曰導。導治也。〔補注〕先謙曰。九河見道川。亦詳溝洫志。

雷夏既澤。雍沮會同。

師古曰。雷夏。澤名。在濟陰城陽西北。言此澤還復其故。而雍沮二水同會其中也。沮音千余反。〔補注〕齊召南曰。注城陽。

當作成陽。尙書疏亦訛城字。蓋人傳寫誤添土旁耳。此成陽有堯冢靈臺。漢時故縣。在今濮州東南。曹州東北。若城陽國。則在今莒州。非雷夏澤所在也。先謙曰。本志濟陰成陽下云。雷澤在西北。鄭注。雍水沮水相觸而入澤中。今古文雍皆不從水。枚本改灋。桑

土既蠶。是降丘宅土。

師古曰。降。下也。宅。居也。言此地宜桑。先時人衆避水。皆上丘陵。今水害除。得以蠶織。故皆下丘居。平土也。〔補注〕先謙曰。夏紀作於是民得下丘居土。段玉裁云。風俗通義引尙書。民乃降丘度土。

足證今文作度。史遷改居。如度西曰柳谷。改居西也。班志作宅。土後人用古文改之。案此班用夏侯尙書與古文合。非後所改。

厥土黑墳。

師古曰。色黑而墳起也。墳音扶粉反。〔補注〕錢坫曰。方言。青幽之閒。凡土高而且大者。謂之墳。

少

繇木條。

師古曰。少。古草字也。繇。悅茂也。條。脩暢也。繇音弋昭反。〔補注〕先謙曰。夏紀作草繇木條。同。惟班作少。全書多如此。非今古文之異。說文繇下引夏書曰。厥艸惟繇。知有厥惟者。古文無者。今文。

厥田中下。

師古曰。第

六也。〔補注〕宋祁曰。正文厥字。別本無。先謙曰。下文無厥字。別本是也。夏紀亦無。

賦貞。

師古曰。貞。正也。州第九賦。亦正當也。〔補注〕劉敞曰。田中下而言厥賦貞。乃第六明矣。自孔氏固誤之。何焯曰。賦乃與田正當。不謂與州也。王先慎曰。此當連下作

字爲句。集解引鄭云。貞。正也。治此州正作不休。十三年乃有賦。與八州同。言功難也。其賦下下。顏訓作爲治水。誤。禹貢言作者。皆謂耕作。若訓治水。其文不當在降丘宅土下。九州之賦。惟缺下下。兗賦至少。固當第九。劉何說亦非。

作十有三

年。迺同。

師古曰。治水十三年。迺同於它州。言用功多也。〔補注〕先謙曰。夏紀同。馬鄭本亦作年。是今古文同。枚改載。皮錫瑞云。河渠書引夏書曰。禹抑鴻水。十三年。過家不入門。魏志高堂隆傳。洪水滔天。使鯀治之。績用不成。乃舉文命。隨山刊木。前後

歷年二十二載。合禹十三年。與鯀九年計之。今文說也。馬注。禹治水三年。八州平。故堯以爲功而禪舜。是十二年而八州平。十三年而兗州平。十三年。並鯀九年數之。蓋古文異說。

厥貢漆絲。

師古曰。貢。獻也。地宜漆林。又善蠶絲。故以獻也。〔補

注〕錢坫曰。漆。應作棗。借水名爲之。

厥棗織文。

師古曰。棗與篋同。篋。竹器。篋屬也。織文。錦綺之類。盛於篋篋而獻之。〔補注〕先謙曰。夏紀。棗作篋。本書通作棗。並借字。依說文。當作篋。官本注。篋缺末筆。猶承舊本。

浮于沛

漯通于河。

師古曰：浮以舟渡也。涉、漯，二水名。漯水出東郡東武陽，因水入水曰通。漯音它合反。〔補注〕宋祁曰：漯疑作濕，注同。徐松曰：應作濕。先謙曰：夏紀亦作通，枚改達，平原高唐下云。桑欽言：漯水所出，東郡東武陽下云。禹治漯水，東北至

千乘入海。班氏兼采今古文也。漢隸變古，此作漯，亦班用。今文之證，成啓鏡又以爲後人據夏紀枚書所改，非矣。

海岱惟青州。

師古曰：東北據海，西南距岱。岱即太山也。〔補注〕先謙曰：本志泰山博下云：岱山在西北。夏紀正義：舜分

青州爲營州，遼西及遼東。

碣夷既略，惟笛其道。

師古曰：碣夷，地名也。即陽谷所在。略，言用功少也。惟，笛，二水名，皆復故道也。惟水出琅邪箕屋山，笛水出泰山萊蕪縣。惟字，今作濊，笛字或作溜，古今通用也。一曰：道讀

曰導，導治也。〔補注〕錢坫曰：陽谷即陽谷，亦云湯谷，並字通。蘇輿曰：顏用馬訓，見集解引。說文略下云：經略土地也。廣雅釋詁：畧，治也。

先謙曰：說文碣下引書宅碣夷，此古文作碣。班作碣，與夏紀同用今文也。一作禺，見說文碣下。與釋文引史記及考靈曜一作禺，鐵

見索隱引今文尙書及帝命驗書正義引夏侯等書，一作郁夷，皆今文也。禺，碣之省文。夷，通借作鋹。鋹，古文鐵字。鐵又鐵之譌文耳。琅邪箕下云：維水北至都昌入海。泰山萊蕪下云：笛水東至博昌入海。案志文：彼作維水，此仍作惟，不雜出。

厥土白

墳，海瀕廣瀉。

師古曰：瀕，水涯也。瀉，鹵鹹之地。瀕音頻，又音賓。瀉音昔。〔補注〕先謙曰：夏紀同作瀉，用今文。瀕作濱，俗字。史集解釋文引鄭注並云：斥謂地鹹鹵，是鄭本作斥，用古文。志下又作鳥，迺瀉之消。陳奐云：所讀爲開拓之拓，言海

濱地廣，可以煮鹹，所本字。鳥，假借。闕宮傳：鳥，大貌。此取廣所之誼也。

田上下賦中上。

師古曰：田第三，賦第四。〔補注〕先謙曰：夏紀同。

貢鹽絺，海物惟錯。

師古曰：葛之精者曰絺。海中物

產既多，故雜獻。〔補注〕宋祁曰：獻下當添也字。先謙曰：夏紀貢上有厥字，後人妄增。史公以其代厥，不得有厥字明矣。

岱畎絲、臬、鈐、松、怪石。

師古曰：畎，小谷也。臬，麻屬也。鈐，青金也。怪石，石之次玉美好者也。言岱山

之谷出絲、臬、鈐、松、怪石五種，皆獻之。畎音工犬反。〔補注〕先謙曰：說文畎作畎，古文作畎，釋名釋山云：山下根之受霤處曰畎。

萊夷作牧，厥棐檠絲。

師古曰：萊山之夷，地宜畜牧。檠，檠桑也。食檠之蠶絲，可以弦琴瑟。檠

音烏簾反〔補注〕劉敞曰貢絲絲不特言槩。槩絲言槩而敘萊夷之下明此萊夷之貢。先謙曰夏紀作改爲槩作會蓋三家尙書異文。

浮于汶達于洙。

師古曰汶水出泰山郡萊蕪縣原山言渡汶水西達于洙也汶音問〔補

注〕王念孫曰達本作通凡古文尙書言達于某水者今文尙書皆作通漢書皆用今文故亦作通上文通于河是也。史記亦作通其間有作達者皆後人以古文改之先謙曰此入洙之汶與琅邪朱虛出東泰山入維之汶有別見下道川。

海岱及

淮惟徐州。

師古曰東至海北至岱南及淮。

淮沂其乂蒙羽其蓺。

師古曰淮沂二水已治蒙羽二山皆可種蓺也淮出大復山沂出泰山沂音牛依反〔補注〕齊召南曰案志沂水出泰山郡蓋

縣然泰山乃郡名非謂沂水出泰山之麓也注與淮出大復對言竟似沂出東岳矣先謙曰淮沂見道川本志泰山蒙陰下云蒙山在西南東海視其下云羽山在南段玉裁云又今文當作艾於漢石經鴻範殘字知之案漢人引書艾又互見石經亦一家之學漢書不必盡與之同也。夏紀又改治。

大壘既豬東原底平。

師古曰大野卽鉅野澤也豬停水也東原地名底致也言大野之水既已停蓄也東原之地致功而平可耕稼也〔補注〕先謙曰官本底作底下並同停蓄作淳蓄

山陽鉅野下云大壘澤在北案說文壘下云古文野夏紀豬作都集解引鄭注云今東平郡卽東原。

厥土赤埴墳草木漸包。

師古曰埴黏土也漸包言相漸及包裹而生〔補注〕先謙曰漸包夏紀同今文也釋

文埴鄭作戢徐鄭王皆讀曰熾章昭音試說文薪下引書草木薪苞是古文作戢薪苞。

田上中賦中中。

師古曰田第二賦第五〔補注〕先謙曰夏紀同田上衍其字。

貢土五色。

師古曰王者取五色土封

以爲太社而此州畢貢之言備有〔補注〕先謙曰正義引太康地記城陽姑幕有五色土封諸侯錫之茅土用爲社卽禹貢徐州土也又寰宇記云徐州歲貢五色土各一斗出彭城縣北三十五里赭土山夏紀土上有維字。

羽畎夏狄。

嶧陽孤桐。

師古曰羽畎羽山之谷也夏狄狄雉之羽可爲旌旄者也羽山之谷出焉嶧陽嶧山之陽也山南曰陽孤桐特生之桐也可爲琴瑟嶧山之南生焉嶧音驛〔補注〕先謙曰東海下邳下云葛嶧山在西古文以爲嶧陽夏紀狄作翟毛

詩衛風右手秉翟韓詩今文作狄據此翟狄古通成蓉鏡以作狄爲古文非也班用古文以嶧陽爲山名說文及史集解引鄭注以嶧爲山名顏用以注志與班指不合

泗瀕浮磬

師古曰泗水之涯浮出好石可爲磬也泗水出濟陰乘氏

縣〔補注〕先謙曰官本考證云泗監本訛四今改正先謙案泗水出魯國卞顏注未審見下道川夏紀瀕作濱

淮夷蠙珠泉魚

師古曰淮夷淮水上之夷也蠙珠珠名泉及也言其地出珠及美魚也蠙音步干反字或作玼〔補

注〕先謙曰說文玼珠也宋宏云淮水中出玼珠珠之有聲者重文作蠙案馬注以淮夷爲二水名古文說鄭注淮水之上夷民與宋宏合用今文說也夏紀亦作蠙索隱云一作玼是史漢二書皆有兩作傳本岐出非今古文異泉古暨字

厥棐玄

織縞

師古曰玄黑也織細縞也縞鮮支也卽今所謂素者也言獻黑細縞及鮮支也〔補注〕劉敞曰此棐亦屬淮夷

浮于淮泗達于河

師古曰渡二水而入于河〔補注〕王念孫曰河當依說文作荷顏依文作

解而不知其謬也又下文山陽郡湖陵禹貢浮于淮泗〔今本譌作泗淮〕通于河水在南河亦當作荷尙書史記皆譌作河自韻會舉要始正其誤而近世閻若璩胡渭言之益詳毋庸復辨地理志荷字多作荷下文道荷澤又東至于荷及濟陰郡下云禹貢荷澤在定陶東是也水經注亦作荷〔泗水注引地理志曰荷水在南〕五經文字云荷古本亦作荷先謙曰達字誤當作通夏紀作通山陽湖陵下亦作通荷水見道川

淮海惟揚州

師古曰北據淮南距海〔補注〕汪遠孫曰揚當從木旁

凡地名姓名字皆作楊先謙曰汪說是也詳見天文志

彭蠡既豬陽鳥道居

師古曰彭蠡澤名在彭澤縣西北陽鳥隨陽之鳥也言彭蠡之水既已蓄聚則鴻雁之屬所共居之蠡音禮〔補注〕先謙曰彭蠡見道川

夏紀豬作都道作攸說文道讀若攸漢書多古字攸並作道

三江既入震澤底定

師古曰三江謂北江中江南江也震澤在吳西卽具區也底致也言三江既入則震澤致定〔補注〕先謙曰本志會稽吳下云南江

在南東入海具區澤在西古文以爲震澤中江北江見道川夏紀底作致

篠簜既敷

師古曰篠小竹也簜大竹也敷謂布地而生也篠音先了反簜音蕩〔補注〕先謙曰篠當爲筱疑後人據枚書改之說文筱箭屬簜可爲幹筱可爲矢夏紀作

竹箭

山天木喬

師古曰天盛貌也喬上竦也天音於驕反喬音橋又音驕〔補注〕先謙曰夏紀多兩其字兩惟字後人妄增

厥土塗泥

師古曰灑田下下賦下上

田下下賦下上

錯

師古曰田第九賦第七又雜出諸品〔補注〕先謙曰夏紀重上字錯改雜

貢金三品

師古曰金銀銅〔補注〕先謙曰鄭注銅三色也三色者青白赤顏用僞孔說

瑤瑣篠簜齒革羽

毛

師古曰瑤瑣皆美玉名也齒象齒也革犀革也羽旄謂衆鳥之羽可爲旄者也瑣音昆〔補注〕先謙曰說文瑣琕或體夏紀作琕亦三家本異篠當爲筱簜紀作竹箭毛作旄顏注作羽旄足證毛字後人妄改下荊州正作羽旄枚書下有惟木二字史漢無

明衍

鳥夷卉服

師古曰鳥夷東南之夷善捕鳥者也卉服絺葛之屬〔補注〕先謙曰夏紀作鳥夷後人妄改

厥棐織貝

師古曰織謂細布也貝水蟲也古以爲貨〔補注〕劉敞曰予謂織貝特敘鳥夷之下

明鳥夷之棐也緝貝爲布如厚繒今亦有之貝木名也先謙曰顏用僞孔說集解引鄭注云貝錦名詩云成是貝錦劉以貝爲木名亦非

厥包橘柚錫貢

師古曰柚似橘而大其味尤酸橘柚皆不耐寒故包裹而致之也錫貢者

須錫命而獻之言不常來也柚音弋救反〔補注〕先謙曰夏紀亦作包今文也古文作苞見說文柚下及詩木瓜箋引史集解引鄭注錫貢有錫則貢之或時乏則不貢錫所以柔金也皮錫瑞云史記錫大龜錫土姓皆改作賜惟此與錫貢鑿錯作錫蓋今文說當爲貢錫顏引王肅說以注漢志非

均江海通于淮泗

師古曰均平也通淮泗而入江海故云平〔補注〕先謙曰夏紀同志多子字集解引鄭注均讀曰沿沿順水行也釋文沿鄭本作松松是沿之誤馬本作均云均平顏用

馬說孫星衍云均蓋均字一切經音義引三蒼云循古文作均與沿義合

荆及衡陽惟荊州

師古曰北據荊山南及衡山之陽也〔補注〕先謙曰荆衡見道山

江漢朝宗于海

師古曰江

漢二水歸入于海有似諸侯朝於天子故曰朝宗宗尊也〔補注〕先謙曰江漢見道川閻若璩云江所歷之州曰梁曰荆曰揚漢所歷之州曰梁曰豫曰荆

九江孔殷

師古曰孔甚也殷中也言江水於此州界分爲九道甚得地形之中〔補

注〕先謙曰九江見道川夏紀孔殷作甚中今文說
鄭注殷猶多也九江從山谿而出其孔衆多古文說

沱瀾既道雲夢土作义

師古曰沱瀾二水名自江出爲沱自漢
出爲瀾雲夢澤名言二水既從其道則

雲夢之士可爲畋魚之治也沱音徒何反瀾音潛一曰道讀曰導導治也〔補注〕先謙曰官本注畋魚作畋畋是南監本同本志南郡
枝江下云江沱出西東入江瀾水不見志枚書作潛夏紀作潛古潛潛通用毛詩潛有多魚韓詩作潛非今古文異也雲夢土一本作
雲土夢夏紀索隱單行本出雲土夢三字云雲土夢二澤名引韋昭云雲土今爲縣屬江夏地理志江夏有雲杜縣是其證也是小司
馬史記本及韋昭漢書音義本並作雲土夢古土杜通用皮錫瑞云王逸楚詞注夢澤中也楚人名澤中謂夢中左傳江南之夢即江
南之澤雲土夢亦即雲土澤耳其說是也又案史記各本作雲夢土爲治顏注漢書亦作雲夢土明史漢又皆有作雲夢土者成蓉鏡
云雲夢本一藪見周官爾雅呂覽戰國策淮南墜形訓鹽鐵論說文宋玉高唐賦司馬相如子虛賦或單稱雲見左定傳或單稱夢見
左宣昭傳杜預云楚之雲夢跨江南北是也雲夢土作义者蓋雲夢爲地至廣其中有澤有土當洪水汎濫皆在巨浸中至是而水瀦
於澤其土乃可治書雲夢土作义正以著澤之底定耳周官爾雅所記者雲夢澤而楚王宋玉所遊者則雲夢土矣先謙案南郡華容
下云雲夢澤在南正應禹貢而雲杜縣名必本雲土明出三家異本凡志用古文尙書皆明著古文及桑欽
說今志不言其非今古文異可知矣小司馬以雲夢爲二澤李吉甫諸儒並說江北爲雲江南爲夢非是

厥土塗泥田

下中賦上下

師古曰田第八賦第三
〔補注〕先謙曰夏紀同

貢羽旄齒革金三品

師古曰自金以上所貢與揚
州同〔補注〕先謙曰夏紀同

杮幹栝柏

厲砥砮丹

師古曰杮木似樗而實幹栝也栝木柏葉而松身厲磨也砥其尤細者也砮石名可爲矢鏃丹赤石也所謂丹沙者
也杮音丑倫反栝音古活反砥音指又音砥砮音奴〔補注〕先謙曰官本杮作抵是釋文杮又作標說文標杮或體

史漢同作杮考工記注禹貢荊州
貢檀榦栝柏夏紀厲作礪俗字

惟箇籛櫟三國底貢厥名

師古曰箇籛竹名櫟木名也皆可爲矢言此州界本
有三國致貢斯物其名稱美也箇音困籛音路櫟音

枯〔補注〕先謙曰官本注枯作怙是說文露下引夏書曰惟箇露枯。籀下云露古文枯下云槁也。夏書曰惟箇輅（脫上竹）枯木名也。夏紀籀作輅。梧同。徐廣注一作箭足杆。杆即梧也。音怙。先謙案史漢用今文作梧則枯是古文作籀者。或夏侯尚書與古文合耳。皮錫瑞云夏紀篠蕩作竹箭故箇一作箭足。蓋路之壞字。鄭以厥名屬下讀古文異說。

包匭菁茅

師古曰匭。桺也。菁。菜也。可以爲葅。茅可以縮酒。苞其茅。匭其菁而獻之。匭音軌。菁音精。〔補注〕先謙曰晉志零陵泉陵縣有香茅。古貢之以縮酒。正

義括地志辰州盧溪縣西南三百五十里有包茅山。山際出包茅有刺而三脊因名。

厥棐玄纁璣組

師古曰玄。黑色。纁。絳也。璣。珠之不圓者。組。綬類也。纁音勳。璣音機。又音祈。

九江納錫大龜

師古曰大龜尺有二寸出於九江。錫命而納不常獻也。〔補注〕先謙曰下文納並作內。此後人據枚書改。納。錫。史記作入。賜。以詒訓代也。皮錫瑞云錫大龜三字當連讀。蓋天子錫諸侯之大龜。禮樂記青黑緣者天子之寶龜也。從之以牛羊之羣則所以贈諸侯也。公羊傳言寶玉大弓有龜青純。公羊以寶卽寶龜與樂記合。是古天子有錫諸侯寶龜之禮。納錫大龜謂納此錫諸侯之大龜。史記作入賜亦謂入此賜諸侯之大龜也。

浮于江沱潛漢逾于洛至于

南河

師古曰逾。越也。言渡四水而越洛乃至南河也。南河在冀州南。〔補注〕王念孫曰洛本作雒。此後人以俗本尙書改之也。凡伊雒瀍澗之雒字從佳旁各涇渭洛之洛字從水旁各一爲豫州川一爲雍州浸載在職方不相假借故說文水部洛字注

內但有雍州之洛而無豫州之雒。今經傳中伊雒之雒多作洛者。後人惑於魏文帝之言而改之也。尙書有豫州之雒無雍州之洛其字古今文皆作雒而今本作洛則又衛包以俗書改之也。此志宏農郡上雒下云禹貢雒水出冢領山東北至鞏入河。豫州川左馮翊。賈德下云洛水東南入渭。雍州浸其秩然不紊如此而後人猶改雒爲洛弗思之甚也。然下文之伊雒瀍澗其川滎雒（今本滎作滎辨見高紀滎陽下）及宏農郡盧氏。鼃池。新安上雒四縣下之雒字河南郡穀城下之雒字則仍然未改幸其參差不一猶可考見班氏原文。雒洛二字之辯古文尙書撰異言之甚詳。今舉其大略如此。先謙曰夏紀灋漢作涿于漢于字衍（詳禹貢班義述）涿灋字同。逾于洛夏紀作踰于洛下逾並作踰。

荆河惟豫州

師古曰西南至荆山北距河水。〔補注〕先謙曰

官本考證云。荆山監本訛荆州。從宋本改正。

伊、維、瀍、澗。既入于河。

師古曰。伊出陸渾山。維出冢領山。瀍出穀成山。澗出鼉池山。四水皆入河。〔補注〕先謙曰。伊維瀍澗並見道川。

滎波既豬。

師古曰。滎。洸水。洸出所爲也。即今滎澤是也。波亦水名。言其水並已過聚矣。一說。謂滎水之波。〔補注〕先謙曰。滎。古从火作榮。左隱元年傳釋文。本或作滎。非。〔詳古文尙書撰異〕夏紀作滎。播既都。案職方。其浸波滎。鄭注。波讀爲播。是波即播。鄭以今文讀古文也。說文。潘。水名。在河南滎陽。陳喬樞云。漢書作波。乃潘之段借。詩番爲司徒。人表作司徒皮。儀禮既夕篇設披。鄭注。今文披皆爲潘。是其證。先謙案。此水本字作潘。段字作播。志作波者。班特用古文改之。俾後人曉然於職方之波。即禹貢之播耳。班學無常師。於此益見。顏引一說。非。索隱訓潘爲播。溢尤誤。

道荷澤被盟豬。

師古曰。荷澤在湖陵。盟豬亦澤名。在荷之東北。言治荷澤之水衍溢。則使被及盟豬。不常入也。道讀曰導。荷音歌。被音被馬之被。盟音孟。〔補注〕先謙曰。荷荷通用。見上。荷澤

在濟陰。見道川。顏云。澤在湖陵者。其流也。本志。梁國睢陽下云。盟諸澤在東北。案大傳作孟諸。周禮作望諸。則諸豬非今古文異。班豬諸並用。亦如上。澠水維澠兩作之例。夏紀作明都。段玉裁云。明盟孟望。古音皆讀如芒。

厥土惟壤。下

土墳壚。

師古曰。高地則壤。下地則墳。壚。謂土之剛黑者也。音盧。〔補注〕先謙曰。夏紀無惟字。

田中上賦錯上中。

師古曰。田第四。賦第二。雜出第一。〔補注〕先謙曰。官本注。雜上有又字。南監本同。

貢

漆、臬、絺、紵、棊、織、纊。

師古曰。紵。織紵爲布及練也。織纊。細綿也。紵音佇。纊音曠。〔補注〕宋祁曰。練。澣化本作疎。先謙曰。夏紀臬作絲。蓋亦三家文異。揚雄豫州箴作臬。又紀纊作絮。故訓字。既夕記注。纊。新絮也。

錫

貢磬錯。

師古曰。錯。治玉之石。磬錯。言可以治磬也。亦待錫命而貢。〔補注〕宋祁曰。注末貢下。當添之字。皮錫瑞曰。夏紀。錫不改賜。或亦當如鄭注。貢錫之義。

浮于洛。入于河。

師古曰。因洛入河也。〔補注〕先謙曰。

段玉裁云。入蓋通之誤。唐本已然。夏紀作達。亦通之誤。

華陽黑水惟梁州。

師古曰。東據華山之南。西距黑水。

岷、嶓、既、蓺、沱、潛、既、道。

師古曰。岷。岷山也。嶓。嶓冢山也。言水

已去。二山之土。皆可種栽。沱、灤、二水。治從故道也。岷音曼。嶓音波。道讀曰導。〔補注〕宋祁曰。岷疑作嶓。注同。錢大昭曰。岷。閩本作嶓。注同。下文岷山皆作嶓。閩本是。蘇輿曰。說文作嶓。岷卽嶓。嶓。段玉裁謂古文尙書作嶓。今文作汶。案漢志作岷。或作嶓。〔潘氏道下〕亦作汶。〔有汶江道〕又作文。〔武紀西南夷傳同。卽汶之省。〕夏紀作汶。而河渠書作岷。參差不一如此。未可據爲今古文之辨。先謙曰。岷嶓見道山。沱見道川。本志巴郡宕渠下云。灤水西南入江。夏紀灤作沔。

蔡蒙、旅平、和夷

底績。

師古曰。蔡蒙二水名。旅。陳也。旅平。言已平治而陳祭也。和夷。地名。亦以致功可耕稼也。〔補注〕蘇輿曰。顏訓旅平爲平治而陳祭。旣倒經文。且禹貢三言旅。皆屬山。言治畢陳祭山川皆同。何獨於山舉之。竊謂旅。陳也。陳列也。洪水泛濫。山沒於水。水

歸山出。表識可驗。粲然陳列而平治也。故下以刊旅並言。荆岐旣旅。義亦同。先謙曰。官本注。水作山。是南監本同。蜀郡青衣下有蒙山。和卽桓水。見下。

厥土青黎。

師古曰。色青而細疏。〔補注〕先謙曰。夏紀黎作驪。

田下上。

賦下中三錯。

師古曰。田第七。賦第八。又雜出第七至第九。凡三品。

貢璆、鐵、銀、鏤、砮、磬。

師古曰。璆。美玉也。鏤。剛鐵也。磬。磬石也。璆音蚪。

熊羆、狐狸、織皮。

師古曰。織皮。謂屬也。言貢四獸之皮。又貢維屬。〔補注〕先謙曰。官本維作維。是南監本同。

西頃因桓是徠。

師古曰。西頃。山名。在臨洮西南。桓。水名也。言治西頃山。因桓水是來。無它道也。頃讀曰傾。〔補注〕先謙曰。西頃見道山。

蜀郡下云。桓水出蜀山西南。行羌中。入南海。鄭注。以織皮西頃爲句。以桓是爲隴阪名。與史漢句讀不同。乃古文異說。

浮于瀾。逾于沔。

師古曰。漢上曰沔。音莫踐反。〔補注〕先謙曰。夏紀灤作潛。後人妄改。仍當爲潛。沔水一名。

沮水。與灤水合。故灤兼沔稱。沔見道川。

入于渭。亂于河。

師古曰。正絕流曰亂。〔補注〕先謙曰。渭見道川。

黑水西河惟雍州。

師古曰。西據黑水。東距西河。西河卽龍門之河也。在

冀州西。故曰西河。〔補注〕先謙曰。揚雄雍州箴。黑水西河。橫截崑崙。邪指閼闔。畫爲雍垠。

弱水旣西。

師古曰。治使西流至合黎。〔補注〕先謙曰。弱水見道川。

涇屬渭汭。

師古曰。屬。逮也。水北曰汭。言治涇水入于渭也。

屬音之欲反。訥音芮。又音而悅反。〔補注〕先謙曰：涇水見道川。說文：水相入曰訥。

漆沮既從，酆水迤同。

師古曰：漆沮，即馮翊之洛水也。酆水出酆之南山，言漆沮既從入渭，酆水亦來同也。迤，古攸字也。攸，所也。沮音

七余反。〔補注〕先謙曰：漆沮，酆見道川。

荆岐既旅。

師古曰：荆、岐，二山名。荆在岐東，言二山治畢已旅祭也。〔補注〕先謙曰：荆岐見道山。

終南惇物，至于鳥鼠。

師古曰：終南，惇物二山，皆在武

功。鳥鼠山在隴西首陽西南，自終南西出，至于鳥鼠也。〔補注〕先謙曰：本志扶風武功下云：大壺山，古文以爲終南。垂山，古文以爲敦物，皆在縣東。夏紀：惇作敦。鳥鼠見道山。

原隰底績，至于豬櫪。

師古曰：高平曰原，下

溼曰隰。豬櫪，地名，言皆致功也。〔補注〕先謙曰：武威威下云：休屠澤在東北，古文以爲豬櫪澤。夏紀作都野。

三危既宅，三苗丕敘。

師古曰：三危，山名，已可居也。三苗本有苗氏之族，徙居於此，分而爲三，故言三苗。今

皆大得其次敘。〔補注〕先謙曰：夏紀：宅作度，丕敘作大序，丕，大故訓字。御覽引河圖括地象云：三危山在鳥鼠之西南，與汶山相接。地道記云：三苗所處，今安西州。五帝紀：三苗在江淮荆山，舜遷三苗于三危，故雍州有三苗也。

厥土黃壤。

田上上，賦中下。

師古曰：田第一賦第六。

貢球琳琅玕。

師古曰：球、琳，皆玉名。琅玕，石似珠者也。球音求，又音虬。琳音林。琅音郎。玕音干。〔補注〕先謙曰：夏紀：球作璆，蓋三家異字。論衡：率性篇：禹貢曰：

璆琳琅玕，此則土地所生真玉珠。段玉裁云：真玉謂球琳，真珠謂琅玕，此今文說也。釋文：琳又作玲。鄭注：璆，美玉。玲，美石。案說文：玲下云：玲，璆石之次玉者。鄭訓美石，則其本琳必作玲。此古文異說。

浮于積石，至于龍

門西河。

師古曰：積石山在金城西南，龍門山在河東之西。界皆河水所經。〔補注〕先謙曰：積石龍門見道川。

會于渭汭。

師古曰：逆流曰會，自渭北涯逆流西上。

織皮，昆侖析支，渠

叟，西戎卽敘。

師古曰：昆侖，析支，渠叟，三國名也。言此諸國皆織皮毛，各得其業，而西方遠戎，並就次敘也。叟，讀曰搜。〔補注〕宋祁曰：姚本各得其下添事字，次字改作此。先謙曰：夏紀：崦作崦，叟作搜，敘作序。案昆侖山祠見金城臨羌，昆

命障見敦煌廣至。並不從山。溝洫志亦作命。朔方渠搜縣亦不作叟。西域傳贊云。書曰。西戎卽序。言禹就而序之。又敘傳。西戎卽序。夏后是表。亦不作敘字。皆通用。非今古文異。

道汧及岐。至于荆山。師古曰。自此以

下更說所治山水首尾之次也。治山通水。故舉山言之。汧山在汧縣西。道讀曰導。後皆類此。汧音苦堅反。〔補注〕先謙曰。夏紀道下有九山二字。本志扶風汧下云。吳山在西。古文以爲汧山。美陽下云。岐山在西北。馮翊裏德下云。北條荆山在南。

逾于

河。師古曰。卽梁山龍門。壺口。雷首。至于大嶽。

師古曰。自壺口雷首而至大嶽也。雷首在河東蒲阪南。大嶽卽所謂嶽陽者。〔補注〕先謙曰。官本大作太。南監本同。本志河東北屈下云。壺口山在東南。蒲反下

云。雷首山在南。〔補注〕先謙曰。官本大作太。南監本同。本志河東北屈下云。壺口山在東南。蒲反下云。霍太山在東。

底柱。析城。至于王屋。

師古曰。底柱在陝縣東北。山在河中。形若柱也。析城山在濩澤西南。王屋山在垣縣東北。〔補注〕先謙曰。夏紀底作砥。下同。底柱見道川。本志河東濩澤下云。

析城山在西南。垣下云。王屋山在東北。

太行。恒山。至于碣石。入于海。

師古曰。太行山在河內山陽西北。恒山在上曲陽西北。言二山連延。東北接碣石而入于海。行音胡郎反。〔補注〕先謙曰。本志

河內壁王下云。太行山在西北。常山上曲陽下云。恒山北谷在西北。右北平驪成下云。大碣石山在西南。

西頃。朱圉。鳥鼠。至于太華。

師古曰。朱圉山在漢陽冀縣南。太華卽今華陰山。〔補注〕宋祁曰。陰山。姚

本作陽山。先謙曰。官本頃作傾。南監本同。本志隴西臨洮下云。西頃山在西南。天水冀下云。朱圉山在縣南。梧中聚。京兆華陰下云。太華山在南。

熊耳。外方。桐柏。至于倍尾。

師古曰。熊耳在陝東。外方

在潁川故縣。卽崇高也。桐柏在平氏東南。倍尾在安陸東北。言四山相連也。倍讀曰陪。〔補注〕先謙曰。本志宏農盧氏下云。熊耳山在東。潁川密高下云。古文以崇高爲外方山。南陽平氏下云。桐柏大復山在東南。江夏安陸下云。橫尾山在東北。古文以爲倍尾。夏紀作

賁尾。三

道嶓冢。至于荆山。

師古曰。嶓冢山在梁州南。此荆山在南郡臨沮東北。嶓音波。〔補注〕先謙曰。官本此作北。齊召南云。南北當作西北。各本俱誤。先謙案顏言此者。以別於北條荆山。本志隴西西下云。禹貢嶓